



懲罰

✎ Adelheid Marie Bwire

👤 Melany Pietersen

💬 dohlam

📊 2

💬 粵語 yue



有一日，媽咪買咗好多生果。



我哋問：「幾時可以食生果呀？」媽咪就話：
「我哋今晚先有得食。」



我大佬拉希姆好貪心，樣樣生果都想試吓，結果食咗好多。



細佬大叫：「睇吓拉希姆做嘅好事！」我就跟住話：「拉希姆好曳好自私。」



媽咪好嬲拉希姆。



我哋亦都好嬲拉希姆，但係拉希姆一啲都唔慚愧。



小細佬就問：「你會唔會罰拉希姆呀？」



媽咪就警告拉希姆：「你好快就會後悔㗎啦。」



冇幾耐，拉希姆果然開始唔舒服。



拉希姆細細聲話：「我個肚好痛呀。」



媽咪預咗會噉樣嘅。拉希姆正受到生果嘅懲罰！



後來，拉希姆同我哋道歉話：「我以後唔會再咁貪心㗎喇。」我哋全部人都相信佢。




Global Storybooks

globalstorybooks.net

懲罰

 Adelheid Marie Bwire

 Melany Pietersen

 dohlia

